

Ni Presidente Henry B. Eyring

Umuna a Mammagbaga iti Umuna a Pangulu



Kanayon a Laglagipen Isuna

Mailadawanyo kadi kaniak ni propeta Moroni a mangikikitikit kadagiti maudi a balikas ti Libro ni Mormon kadagiti balitok a pinanid? Agmaymaysa isuna. Nakitana a natnag ti pagilianna, tattaona, ken ti pamiliana. Ti daga ket “agtultuloy” iti gubat (Mormon 8:8). Ngem addaan isuna iti namnama, gapu ta nakitana ti aldawtayo! Ken ti amin a banag a mabalin nga insuratna koma, inawisnatayo a *manglaglagip* (kitaen iti Moroni 10:3).

Kaay-ayo nga isuro ni President Spencer W. Kimball (1895–1985) a ti kapatgan a balikas iti diksionario ket mabalin a *laglagipen*. Gapu ta nagaramidtayo kadagiti katulagan iti Dios, kinunana, “ti kangrunaan a kasapulanta-yo ket laglagipen” ida.¹

Masarakanyo ti balikas a *lagipen* iti amin a nasantuan a kasuratan. Idi balakadan ni Nephi dagiti kakabsatna a lallaki, masansan nga awisenna ida a manglagip kadagiti balikas ti Apo ken manglagip no kasano nga insalakan ti Dios dagiti kapuonanda (kitaen iti 1 Nephi 15:11, 25; 17:40).

Iti naindaklan a pagpakada a bitlana, inusar ni Ari Benjamin ti balikas a *laglagipen* iti maminpito a gundaway. Ninamnamana a laglagipen koma dagiti taona “ti kinaindaklan ti Dios . . . ken ti kinaimbagna ken ti naunday a panagsagabana” para kadakuada (Mosiah 4:11; kitaen met iti 2:41; 4:28, 30; 5:11–12).

Idi inrugi ti Mangisalaklan ti sakramento, inawisna dagiti disipulona a makiranud kadagiti emblem “kas

panglaglagip” iti sakripisiona (Lucas 22:19). Iti tunggal kararag iti sakramento mangngegak ken mangngeganyo, ti balikas a *kanayon* a sumaruno iti balikas a *laglagipen* (kitaen iti DkK 20:77, 79).

Ti mensahek ket maysa nga awis, pakaasi, a manglaglagip. Dagitoy ti tallo a singasing maipapan no ania ti malagipyo iti tunggal lawas no makiranudkayo kadagiti sagrado nga emblem ti sakramento. Sapay koma ta makatulog kadakayo, kas iti pannakatulog dagitoy kaniak.

Laglagipenyo ni Jesucristo

Umuna, laglagipenyo ti Mangisalaklan. Laglagipenyo no asino Isuna bayat ti kaaddana iti daga, no kasano a nakisao kadagiti dadduma, ken no kasano nga impakitana ti kinaimbagna kadagiti aramidna. Laglagipenyo no asino ti nagbubosanna iti panawen ken no ania ti insurona. Ti Mangisalaklan ket “namagpagna a nagar-aramid iti kinaimbag” (Dagiti Aramid 10:38). Inagasanna dagiti masaksakit. Naikumit isuna iti panangaramid iti pagayatan ti Amana.

Kangrunaan ti amin, malagiptayo ti dakkel a pateg a binayadanna, gapu iti ayatna kadatayo, tapno maikkat ti mulit dagiti basbasoltayo. Bayat ti pananglaglagiptayo Kenkuana, dumakkel ti tarigagaytayo a sumurot Kenkuana. Kayattayo ti agbalin a nasaysayaat pay, ad-adda a managpakawan pay, ken nataltallugod a mangikarigatan a manggunod iti pagayatan ti Dios ken aramidentayo daytoy.

Laglagipen No Ania ti Kasapulanyo tapno Agaramid iti Nasaysayaat

Narigat a panunoten ti maipapan iti Mangisalakana—ti kinatarnaw ken kinaperpektona—a saan a panunoten no kasano ti kinakurang ken kinaimperpektotayo no idasigtayo. Nagaramidtayo kadagiti katulagan nga agtungpal kadagiti bilinna, ngem masansan a maliwayantayo daytoy nangato a pagrukodan. Ngem ammo ti Mangisalakana a mapasamak daytoy, a gapu no apay intedna kadatayo ti ordinansa ti sakramento.

Adda dagiti nagtaudan ti sakramento iti kannawidan iti Daan a Tulag maipapan iti panagidaton kadagiti sakripisio, a nairaman ti panagikumpisar iti basol (kitaen iti Levitico 5:5). Saantayon nga agidaton kadagiti ayup, ngem mabalintayo pay laeng nga isuko wenno isardeng dagiti basbasoltayo. Awagan dagiti nasantuan a kasuratan daytoy a sakripisio iti “nasneban a puso ken sibababawi nga espiritu” (3 Nephi 9:20). Umaykayo iti sakramento nga addaan iti agbababawi a puso (kitaen iti DkK 59:12; Moroni 6:2). Ket no aramidenyo daytoy, gun-odenyonto ti panakapakanan dagiti basbasolyo ken saankayo a mayaw-awan manipud iti dalan nga agturong nga agsubli iti Dios.

Laglagipenyo ti Panagdur-as nga Ar-aramidenyo

Bayat ti panangamiriso iti biagyo kabayatan ti ordinansa ti sakramento, namnamaek nga ipamaysayo dagiti panunotyo saan laeng a kadagiti banag a naaramidyo a biddut no di ketdi pay kadagiti banag a naaramidyo nga umno—dagiti kanito a nariknayo a maragsakan kadakayo ti Nailangitan nga Ama ken ti Mangisalakana. Mabalinyo pay ti mangala iti kanito bayat ti sakramento tapno idawat ti Dios a tulongannakayo a mangkita kadagitoy a banag. No aramidenyo, ikarik kadakayo a mariknayonto ti maysa a banag. Mariknayonto ti namnama.

No naaramidkon daytoy, impanamnama kaniak ti Espiritu nga idinto ta adayoak pay iti panagbalin a perpekto, nasaysayaatak ita ngem idi kalman. Ken daytoy ti nangted kaniak iti panagtalek a, gapu iti Mangisalakana, mabalinko ti agbalin a nasaysayaat into inton bigat.

Kanayon ket napaut a panawen, ken kaipapananna ti adu a naipamaysa nga aramid a panagkagumaan. Ammo yo napadasak no kasano ti karigat ti sipapasnek nga agpanunot iti maysa a banag a kanayon. Ngem kasano man ti panagtungpalyo a nasayaat iti kariyo a kanayon a laglagipen Isuna, laglagipennakayo a kanayon.

Ammo ti Mangisalakana dagiti pannubokyo. Ammona no ania ti rikna ti kaadda dagiti pakaseknan ti biag a naibaklay kadakayo. Ammona no kasano a kasapulanyo unay ti bendision a sumangbay gapu iti kanayon a pananglaglagip Kenkuana—“tapno *kanayon* nga adda ti Espirituna [kadakayo]” (DkK 20:77; nainayon ti panangyunay-unay).

Iti kasta, pasangbayennakayo nga agsubli iti lamisaan ti sakramento iti tunggal lawas, nga idiyana manen ti gundaway a nga agsaksi iti sanguananna a kanayonto a laglagipenyo Isuna.

PAGADAWAN

1. Spencer W. Kimball, “Circles of Exaltation” (address to Church Educational System religious educators, Hunio 28, 1968), 5.

PANANGISURO MANIPUD ITI DAYTOY A MENSAHE

Agbalin a nakumikom ti biag ken mangparigat kadatayo tapno kanayon a laglagipentayo ti Mangisalakantayo a ni Jesucristo. Nupay kasta, mangipaay ti sakramento iti naisangsangayan nga oras iti tunggal lawas a mabalintayo a panunoten maipapan ti biag ken pannursurona. Kadagiti isuroyo iti pagtaengan, utobenyo no kasano a mausaryo dagita naulimek a kanito ita, ken paglilinnawagan no kasano a makapagpokuskayo a nasaysayaat iti Mangisalakana. Kasano a mausaryo ti kinapateg dagita a kanito a mangpanunot a nasayaat kadagiti banag a personal a mapadur-asyo? Ania ti pateg ti panangpanunot iti panagdur-as nga aramidenyo iti tunggal lawas?

AGTUTUBO

Tallo a Banag a Laglagipen

Ti balikas a *laglagipen* ket mamin-adu a makita iti Libro ni Mormon. Inallukoy ni Nephi dagiti kakabsatna a lallaki a manglagip no kasano nga insalakan ti Dios dagiti kapuonanna. Indawat ni Ari Benjamin kadagiti taona a manglagip iti kinaindaklan ti Dios. Ken binilin ni Moroni dagiti agbasbasa kenkuana tapno manglagip no kasano ti kadakkel ti asi ti Apo.

Kasapulan unay ti pananglaglagip iti Apo—makituglagitayo pay a manglaglagip Kenkuana iti tunggal makiranudtayo iti sakramento. Awisennatayo ni Presidente Eyring a manglaglagip kadagitoy tallo a banag kabayatan ti sakramento:

1. **Laglagipenyo ni Jesucristo:** Basaenyo dagiti nasantuan a kasuratan maipapan ti no kasano a nagserbi ken nangipakita iti ayat kadagiti dadduma. Kasano ti panna-kariknayo iti ayatna? Kasano a makapagserbi ken maka-ipakitakayo iti ayat kadagiti dadduma kas iti inaramid ti Mangisalakán?
2. **Laglagipenyo no ania ti nasken nga aramidenyo a nasaysayaat:** Utobenyo maipapan ti napalabas a lawas-yo nga addaan iti agbabbabawi a puso. Pumilikayo iti maysa a banag a mabalbaliwano, ket isuratyo no kasano a maaramidyo onto dayta a panagdur-as. Ikabilyo ti panggepyo a tun-oyen (goal) iti lugar a masansan a makitayonto.
3. **Laglagipenyo ti panagdur-as nga ar-aramidenyo:** Idawatyo iti Dios a tulongannakayo a mangkita iti nasaya-at a panagdur-as nga ar-aramidenyo. Isuratyo no ania ti riknayo.

Saantayo a perpekto, ngem ammo ti Mangisalakán dayta. Dayta ti gapu no apay nga indawatna kadayto

a manglaglagip Kenkuana. Ti pananglagip Kenkuana ket mangted kadayto iti namnama ken tulongannatayo nga agtarigagay a dumur-as. Uray no dadduma no agliwaytayo a manglagip Kenkuana, kuna ni Presidente Eyring, “Kanayon a laglagipennakayo.”

“Malagipyo no kasano ti kinamanangngaasi ti Apo” (Moroni 10:3).

ANNAK

Pananglaglagip ken ni Jesus

Isuro dagiti nasantuan a kasuratan a nasken a kanayon a laglagipentayo ni Jesucristo. Kayat a sawen dayta a nasken a laglagipentayo ti *adu* a maipapan Kenkuana ken sumurot iti pagwadanna!

Mangikabil iti ladawan ni Jesus iti lugar a masansan a makitayonto daytoy.

“Ket addanto ti espirituk kadakayo no kanayon a laglagipendak.” (3 Nephi 18:7).



Pammati, Pamilia, Tulong

Mangam-ammo Kenkuana ken ti Pamiliana

Ti visiting teaching ket maipapan iti sipupudno a panangam-ammo ken panangayat iti tunggal kabsat a babai tapno matulongantayo a mapatibker ti pammatina ken makapagserbi.

Nagbalin a nasinged nga aggay-yem da Rita Jeppeson ken ti visiting teacher na kabayatan ti isasarungkarda ken panangibinglayda kadagiti prinsipio ti ebanghelio. Ngem mairaman pay iti isasarungkar da ti panagay-ayamda a dua kadagiti sinniriban a balikas. Ti magusgus-tuan unay a banag ni Rita maipapan iti visiting teacher na ket gapu ta ammona nga aggayyemda ken saan laeng a tapno “maibaga a naaramidnan” ti isasarungkar. Adu dagiti banag a maaramid dagiti kakabsat a babai kabayatan ti isasarungkar, kas iti pannagna nga agkadua wenno panagparut kadagiti ruot iti minuyongan no agay-ayam dagiti ubbing.

Kinuna ni Elder Jeffrey R. Holland ti Korum dagiti Sangapuloket-dua nga Apostol, “Makitayo ti bagiyo kas emisario ti Apo kadagiti annakna . . . Namnamaenmi . . . nga ugalienyonto ti napudno, naitunos iti ebanghelio a pannakaseknan kadagiti miembro, mangkitkita ken

mangay-aywan iti tunggal maysa, mangipaay iti espirtual ken temporal a kasapulanda iti ania man a wagas a makatulong.”¹

Ti Apo babaen ken ni Moises binilinna dagiti annak ti Israel a “ti ganggannaet a makipagtaeng kenka maibilangto kadakayo a kas kailiyo, ket ayatemto [isuna] a kas iti bagim” (Levitico 19:34). Mabalin a “ganggannaet” dagiti kakabsat a babai a sarungkaran ken suruantayo bayat ti panangirugitayo iti serbisiotayo, ngem bayat ti panangam-ammotayo kenkuana ken ti pamiliana, dumakkel ti tarigagaytayo a “makipagbaklay iti imet ti tunggal maysa, tapno lumag-anda” ken “pagrereppengen[tayo] ti puspusotayo iti panagkaykaysa ken ayat iti tunggal maysa” (Mosiah 18:8, 21).

Malagip ni Reyna I. Aburto, Maikadua a Mammagbaga iti Relief Society General Presidency, idi kadibidiborsiona a baro a miembro ti Simbaan. “Immay dagiti visiting teacherko iti

pagtaengak”, kinunana. “ket impariknada kaniak ti nabara a rikna ti kinakameng ken ayat iti pusok.”²

Ibilang Daytoy

Iti uneg ti pamilia dagiti kakabsat a babai a sarungkaran ken suruantayo, ania dagiti dumteng a pasamak a nasken a maammuan ken malagipyo?

DAGITI NAGADAWAN

1. Jeffrey R. Holland, “Emissaries to the Church,” *Liahona*, Nob. 2016, 62.
2. Reyna I. Aburto, “What Has Relief Society Been for Me?” Brigham Young University Women’s Conference, Mayo 5, 2017, LDS.org.

Panangaywan

Bayat ti panangam-ammo ken panangayat iti tunggal kabsat a babai a sarungkaran ken suruantayo ken ti pamiliana, umawattayonto iti personal a pammaregta a mangammo tapno maammuan no kasano nga ipaaytayo dagiti naespirituan ken temporal a kasapulan ti tunggal maysa.